


ANG POLONG SANG DIOS



ISA KA CORSO SAPAGTUON PINAAGI SA PAGSULATAY

Daku nga kalipay nga matanyag sa imo ining kurso sang Pulong sang Dios. Ang imo tulong-an nga libro amo ang Maayong Balita suno kay Juan. Nagasugid ini sang kabuhi sang aton Ginoong Jesu Cristo. Nagalaum kami nga ini nga kurso makapahamuut sa imo kag makabulig sa imo nga kabuhi..

Ang kurso nabug-osang exam sa tunga sang libro. Sa pahina 2 sang exam imo makita ang detalyado nga panulin (instroksyon) para sa pagtoon sini nga kurso.

SANG ANG DIOS NAGKARI SA KALIBUTAN

Panulin sa Estudyante: (Instruction)

1. Basaha ang Juan, capitulo 1, bersikulo 1-18
2. Basaha ang leksyon sa sini nga pahina.
3. Sabta ang mga pamangkot sa Eksam 1.

Sa sini nga libro si Juan nagasugid nahanungud sa kabuhi ni Ginoong Jesu Cristo. Ang Anak sang Dios nagkari sa sini nga kalibutan sa paghambal sa tawo nahanungud sa Iya Amay. Si Cristo gintawag nga Pulong sang Dios. tungud nagahambal ang Dios sa tawo pinaagi kay Cristo bilang Iya manughambal. Kon kita magapamati sa tingug ni Cristo sa sini nga libro, nagapamati kita sang Pulong sang Dios.

SA WALA PA ANG PAGKARI SANG PULONG SANG DIOS, bersikulo 1-5.

Wala kita nakahibalo sang insakto nga petsa sang ang kalibutan ginhimo. Ini nahanabu sa madugay na nga panahon. Sa wala pa ini, ang Pulong kaupud sang Dios. Ang Pulong ginatawag man nga Anak sang Dios. Gikan sa ginsuguran ang Pulong kaupud sang Dios.

Wala sing naghimo sa Dios. Wala Sia sing ginsuguran. Ang Ginoo wala maghimo sang Anak. Ang Pulong nga sa ginsuguran amo ang Dios, gintawag man nga Anak sang Dios. Ang Dios naghimo sang tanan nga mga butang. Ang tanan nga mga butang nga makita kag mga butang nga dili makita ginhimo sang Dios. Ang tagsa ka bagay ginhimo sang Dios nga Anak, bersikulo 3. Sa sini nga bagay makita naton nga ang Amay wala nagtuga sa Anak kag ang Anak naghimo sang tanan nga butang nga nagtuhaw.

Ang pulong gintawag man nga Kapawa tungud ginapakita niya ukon ginapahayag niya sa tawo ang dalan padulong sa Dios.

SANG ANG PULONG SANG DIOS NAGKARI SA KALIBUTAN,
bersikulo 6- 18

Kon ang bantug nga hari nagapanghunahuna sang pagpanlakatan, nagapadala sia sing una sang sulugoon sa pagpahibalo sang iya pag-abot. Sang ang Dios nagpadala sang pulong sa sini nga kalibutan si Juan nga Bautista ginpadala sing una sa pagsugid sa mga tawo sang pag-abot sang Anak sang Dios, versikulo 6. Si Juan indi amo ang Kapawa kondi sia ginpadala sa pagpanaksi sinang Kapawa. Luyag niya nga ang tanan magtoo kay Cristo.

Ang kalibutan ginhimo ni Cristo, ang Anak sang Dios. Apang sang nagkari

Sia sa kalibutan, ang Iya katawohan wala magbaton sa Iya ukon nagkilala sa Iya. Apang ang mga nagbaton sa Iya kag ang mga nagabaton sa Iya karon ginahimo sila nga mga anak sang Dios. Ang pagbaton sang bag-ong kabuhi bilang anak sang Dios, nagakinahanglan gid sang pagbaton kay Cristo. Ini ang pagtoo sa Iya Ngalan. Ang tanan nga nagatoo sa Iya Ngalan ginahatagan sing gahum sa pagkamangin anak sang Dios, bersikulo 12. Wala nagakahulugan nga kon ang ginikanan anak sang Dios nga ang ila anak , anak man sang Dios. Ang tawo indi makahimo sang iya kaugalingon nga mangin anak sang Dios. Pinaagi lamang sa pagtoo kag pagbaton kay Cristo nga ang tawo mangin anak sang Dios.

“Kay kamo tanan anak sang Dios paagi sa pagtoo kay Cristo Jesus”
(Mga Taga Galacia 3: 26).

Natawo kamo liwat , indi sa madinulunton nga binhi, kondi sa dimadinulunton, paagi sa buhi kag nagapadayon nga pulong sang Dios”
(I Pedro 1: 23).

“Nga natawo, indi sa dugo ukon sa kabubut-on sang unud, ukon sa kabubut-on sang tawo, kondi sang Dios” (Juan 1: 13).

ANG MGA GINTOTON-AN NI CRISTO

Panulin sa Estudyante: (Instruction)

1. Basaha ang Juan capitulo 1, bersikulo 19 tubtub capitulo 2, bersikulo 25.
2. Basaha ini nga leksyon.
3. Sabta ang mga pamangkot sa Eksam 2

Sa una ng leksyon nakita naton nga si Jesu Cristo amo ang Anak sang Dios. Sia man amo ang Pulong sang Dios kag ang Kapawa. Pinaagi sa pagtoo kag pagbaton sa Iya, ang tawo mangin anak sang Dios.

SI JUAN NAGHAMBAL SA MGA TAWO NAHANUNGUD KAY CRISTO, CAPITOLO 1, bersikulo 19-34.

May mga tawo nga ginpadala gikan sa Jerusalem sa pagpamanglot kay Juan kon sia ang Cristo. Ang iya sabat: “Ako ang tingug” (v. 23). Sia nagsiling nga sia nagkari lamang sa pagbantala kay Cristo sa mga tawo. Pagkadason nga adlaw nakita ni Juan si Jesus kag nagsiling, “Yari karon ang Cordero sang Dios nga nagakuha sang sala sang kalibutan.” (v. 29). Sa pagkuha sing sala, si Cristo kinahanglan mapatay kaangay sang carnero. Ginhatag niya ang Iya nga kabuhian agud nga kita indi mapatay tungud sang aton mga sala. Amo ini ang kabangdanan nga gintawag ni Juan si Cristo nga Cordero sang Dios. Nakahibalo sia nga si Cristo amo ang Anak sang Dios.

ANG UNA NGA GINTOTON-ANNI CRISTO, capitulo 1, bersikulo 35- 51.

Sang si Juan nagsiling nga si Jesus makakuha sang mga sala, ang iban luyag magsunod kay Cristo. Si Jesus malipayon nga nagbaton sa ila (v. 39). Ang isa sa ila amo si Andres. Gindala niya si Simon Pedro kay Cristo (bersikulo 41 kag 42).

Sa madason nga adlaw nakita ni Cristo si Filipe kag nagsiling, “Magsunod ka sa akon.” Gin-agda ni Filepe si Nataniel sa pagpalapit kag pagtan-aw kay Cristo. Si Nataniel nagkilala nga si Cristo amo ang Anak sang Dios kag ang hari sang Israel. Ini nga mga kalalakinhan nakabati sang tawag ni Cristo kag nagsunod sa Iya.

ANG UNA NGA TANDA, CAPITOLO 2.

Si Jesus, ang Iya iloy, si Maria, kag ang mga gintoton-an gin-agda sa isa ka kasal sa Cana sang Galilea. Si Jesus nagkuha sang tubig kag ginhimo nga alak. Si Maria indi makahimo sini kag nagsiling sa Iya mga gintoton-an, “Kon ano ang ihambal niya sa Inyo, tumana ninyo” (v. 5). Si Jesus naghimo sini nga milagro bilang tanda sa Iya mga gintoton-an nga Sia ang Anak sang Dios. Sa ulihi, naghimo Sia sing madamo pa nga mga milagro.

Niyan ang Ginoo nagkadto sa templo kag ginsubol niya yadtong mga nagabaligya sa sulod sang Templo sang Dios. Sia nagsiling sa ila nga ihatag Niya ang Iya kabuhi kag niyan magabanhaw. Madamu ang nagsiling nga sila nagatoo sa Iya ngalan (v.23) , apang nakahibalo Sia sang tagiposoon sang tagsatagsa. Kon ikaw matuud nga magtoo kay Cristo bilang Anak sang Dios kag ang Cordero sang Dios, Sia magbaton sa imo, kag himoon ka Niya nga anak sang Dios.

ANG MAAYO NGA TAWOKAG ANG MAKASASALA NGA BABAYI

Panulin sa Estudyante: (Instruction)

1. Basaha ang Juan, capitulo 3 kag 4.
2. Basaha ini nga leksyon.
3. Sabta ang mga pamangkot sa Eksam 3.

Ang Anak sang Dios nagkari sa kalibutan sa pagbulig sang mga katawohan. Naghimo Sia sing dalagku nga mga milagro agud nga ang tanan makahibalo nga Sia naggikan sa Dios. Naghambal Sia sa tanan nahanungud sang gugma sang Dios kag kon paano sila maluwas.

ANG PANGULO SANG MGA JUDEO, CAPITULO 3.

Si Nicodemo isa ka maayo nga tawo. Sia manunudlo sang relihiyon sa Israel kag pangulo sang mga Judeo. Nagpangamuyo sia adlaw-adlaw kag naghatag sa mga imol. Nagatoo sia nga ini nga mga bagay magahimaya sa Dios. Apang si Jesus, ang Polong sang Dios, nagsiling, “Kon ang tawo indi matawo liwat, indi sia makakita sang ginharian sang Dios.” Nakita naton sa nakaligad nga leksyon nga ang tawo mahimo nga anak sang Dios kon sia magtoo kay Cristo kag magbaton sa Iya bilang iya Manluluwas. Ini ginatawag ang bag-ong pagkatawo tungud ini nagakatabo sa lain nga tion kag sa tapus sang aton pisikal nga pagkatawo sa sini nga kalibutan.

Si Nicodemo wala makahangup sini. Apang si Jesus naghambal sa iya sang gugma sang Dios kag sia nagbaton sini. Ang bersikulo 16 nagasugid sa aton nga ang gugma sang Dios tama ka daku sa bagay nga Iya ginhatag ang Iya bugtong nga Anak para sa aton mga sala. Ang bisan sin-o nga nagatoo nga si Cristo Anak sang Dios magabaton sing kabuhi nga walay katapusan. Wala sing kinalain kon ang tawo maayo ukon relihiyoso, sia nagakinahanglan nga matawo liwat. Ang Dios nagahigugma sa imo kag naghatag sang Iya Anak agud nga paagi sa Iya may kabuhi ka. Batuna ini nga kamatuuran kag batuna Sia bilang imo personal nga Manluluwas.

Luyag ni Juan nga Bautista nga ang tanan magsunod kay Cristo. Sa tanan nga tion sia naghimaya ukon naghatag himaya kay Cristo. Ang bersikulo 36 nagasugid sa aton nga ang Dios nagpahayag sang Iya kaugalingon batok sa tanan nga wala nagatoo sa Iya Anak.

ANG MAKASASALA NGA BABAYI NAGBATON KAY CRISTO,
capitulo 4.

Sa tapus sini, si Cristo nagkadto sa Samaria. Ginlapyo Sia kag nagpangayo sa isa ka babayi sang mainom nga tubig. Sang sugod indi sia maabi-abihon. Nagsiling Sia sa iya nga sarang Sia makahatag sa iya sang buhi nga tubig. Luyag niya ang tubig sang kabuhi apang una sa tanan kinahanglan mahangpan niya nga sia makasasala (v.18).. Kon ang tawo indi magkilala sang iya pagkamakasasala indi sia makapalapit kay Cristo para mabuligan. Si Jesus nagsiling sa iya nga Sia amo ang Cristo (bersikulo 25 kag 26). Gilayon naglakat sia kag nagsugid sa iban nga iya nasapuan ang Cristo, ang manluluwas.

May isa ka tawo nga nagpalapit kay Cristo kag nagpakitlooy nga ayohon ang iya anak nga lalaki (v. 47). Ang tawo nagatoo gid nga si Cristo sarang makaayo sang iya anak, kag ang Ginoo nag-ayo sa iya. Ang Anak sang Dios nagahigugma sang tanan nga mga tawo kag naghatag sang Iya kabuhi agud nga sila maluwas.

Luyag mo man bala maangkon ang bag-ong kabuhi? Luyag mo bala maangkon ang Tubig sang Kabuhi?

SI CRISTO NAGBULIG SA MGA TAWO

Panulin sa mga Estudyante: (Instruction)

1. Basaha ang Juan 5 kag 6.
2. Basaha ini nga leksyon.
3. Sabta ang mga pamangkot sa Eksam 4.

Nakita naton nga ang Anak sang Dios nagkari sa kalibutan sa paghimo sang kabubut-on sang Dios. Ang Dios nagahigugma sa tagsatagsa. Si Cristo luyag magbulig sa tanan. Sa sini nga leksyon, si Cristo nagbulig sang tawo nga nagamasakit sang 38 ka tuig kag pagkatapus nagpakaon sing 5,000 nga mga kalalakin-an.

ANG TAWO NGA NAGMASAKIT SANG 38 KA TUIG, capitulo 5.

Madamu nga masakiton ang yara malapit sa ponong. Nagahulat sang pagtublag sang tubig. May isa nga indi sarang sa paglakat kag madugay na nga nagahulat tungud wala sing may nagabulig sa iya. Apang ang Anak sang Dios naghatag sa iya sing kusug sa pagdala sang iya higdaan kag naglakat nga nagaisahanon.

Ini nagtulod sa iya sa pagkalipay, apang ang mga Judeo naakig tungud nga ang pagpang-ayo nahimo sa adlaw nga Sabado, ang adlaw nga inugpahuway. Maayo ang pagbantay sang Domingo bilang adlaw sang Ginoo kag indi magtrabaho, apang ang Anak sang Dios handa sa tanan nga ti-on sa paghimo sing maayo sa tanan nga ti-on sa bisan ano nga adlaw sa bisan diin nga lugar. Si Jesus nagsabat nga Sia nagahimo sang Iya nakita nga ginahimo sang Amay (v. 19). Ang Amay nagahigugma sang Iya Anak kag nagahatag sa Iya sing gahum sa pagbanhaw sang patay kag sa paghukum sang tanan nga katawohan (v. 20- 22).

Si Juan nagpanaksi sang kamatuuran kay Cristo (v. 33). Ang mga buhat nga ginhimo ni Cristo nagapamatuud nga Sia Anak sang Dios. (v. 36). Ang Dios nga Amay nagpanaksi man nga si Cristo amo ang Iya Anak kag Sia amo ang Manluluwas. (v. 37). Kag labi sa tanan, ang Kasulatan nagapamatuud nga si Cristo ang Anak sang Dios kag ang Manluluwas (v. 38 kag 39). Ang mga wala nagatoo kay Cristo bilang Anak sang Dios indi maluwas.

SI CRISTO NAGPAKAON SANG 5,000, capitulo 6

Sang ang mga tawo wala sing makaon, si Cristo nagkuha sing lima ka tinapay kag duha ka isda kag ginpadamu ini kag nakakaon ang tanan. Sang nakita sang mga tawo ang milagro, nagsiling sila nga Sia isa ka propeta kag nagtinguha sila sa paghimo sa Iya bilang hari nila. Madamu karon ang handa

sa pagsunod kay Cristo kon sila makabaton sang materyal nga pagkabutang. Apang si Cristo wala nagabaton sang mga salimpapaw ukon may mga sala nga mga katuyuan ukon motivo.

Sa tapus sini, si Cristo naglakat sa tubig (v. 19). Wala sing sarang makahimo sini nga milagro kon wala ang Dios. Sa sini nga kabangdanan, dapat kita magpamati sang mga pulong ni Cristo sa mga tawo. Ang bugtong nga Anak sang Dios lamang ang makahatag sa aton sing kabuhi nga walay katapusan (bersikulo 35 kag 47). Ang iban nga mga Judeo luyag makaangkon sang Tinapay sang Kabuhi (v. 34), apang sang si Jesus nagpamolong sing maiwat, wala sila magpadayon (bersikulo 60 kag 66). Niyang si Jesus namangkot sa Iya mga disipolo kon bala sila magtalikod man, si Pedro nagsiling, “Kay sin-o bala kami makadto? Ikaw may mga pulong sang kabuhi nga walay katapusan” (v. 68). Kag kami nagatoo, kag nagakilala nga ikaw ang Cristo, ang Anak sang buhi nga Dios” (v. 69). Bisan pa madamu ang mga bagay nga indi pa nimo mahangpan, toohi Sia kag maangkon mo ang kabuhi nga walay katapusan.

ANG TUBIG SANG KABUHI KAG

ANG KAPAWA SANG KABUHI

Panulin sa Estudyante: (Instruction)

1. Basaha ang Juan, capitulo 7 kag 8
2. Basaha ini nga leksyon.
3. Sabta ang mga pamangkot sa Eksam 5

Si Cristo nagpakita sa mga Judeo pinaagi sa Iya dalagku nga mga milagro, nga Sia amo ang Anak sang Dios. Apang sang wala nila mahangpan ang Iya mga pulong, indi sila handa sa pagtoo sa Iya.

SICRISTO NAGAHATAG SANG TUBIG SANG KABUHI, capitulo 7.

Ang mga utud nga lalaki ni Cristo (ang mga nangin anak nga lalaki ni Jose kag ni Maria) wala magtoo sa Iya sa ginsuguran (v. 5). Wala Sia nag-upud sa ila sa piesta. Sang si Jesus nagkadto sa Templo, nagpanudlo Sia (v. 14). Si Jesus nagsiling, “Kon ang bisan sin-o nga tawo maghimo sang iya kabubut-on, makahibalo sia sang pagtulon-an, kon ini gikan sa Dios ukon nagpamolong ako sa akon kaugalingon”. (v. 17). Ini amo gihapon ang kamatuuran karon! Makahibalo ka kag makahimo sang kabubut-on sang Dios!

Sa katapusan nga adlaw sang piesta, si Cristo nagsiling nga Sia magahatag sing Tubig sing kabuhi sa tanan nga magpalapit sa Iya (v. 37). Sia man nagsiling nga kon sin-o ang magtoo sa Iya, Gikan sa tagiposoon niya magailig ang mga suba sang tubig nga buhi. Wala sing tawo nga mangin malipayon kon wala si Cristo sa iya kabuhi. Kon ikaw nagatoo sa Iya, mahimo mo ang pagsugid sa iban nahanungud sa kabuhi nga walay katapusan.

Ang iban nagatoo nga si Jesus isa lamang ka propeta, kag indi ang Cristo. Ang mga Fariseo luyag magdakup sa Iya. Apang sang nakabati sila sang Iya mga pulong, sila nagsiling, “Wala sing tawo nga nagpamolong kaangay sining tawo.” Luyag mo bala ang ginpamolong ni Cristo? Toohi karon ang Anak sang Dios!

SICRISTO NAGAHATAG SING KAPAWA SA KALIBUTAN, capitulo 8.

Ang mga Fariseo nagdala kay Jesus sang isa ka babayi nga nagpanglahi. tungud sang iya sala luyag nila nga patyon sia pinaagi sa pagbato. Si Cristo nagsabat nga nagasiling, “Ang wala sing sala sa inyo, sia ang una maghaboy sang bato sa iya.” Si Jesus lamang ang ang yara didto nga wala sing sala, apang wala Sia magtagudili sa iya. Wala Sia magkari sa pagtagudili kondi sa

pagluwas kag nagsiling Sia sa babayi, “Maglakat ka kag indi na magpakasala liwat.”

Sa tapus, Sia nagsiling, “Ako ang Kapawa sang kalibutan.” Ang matuud nga kapawa nagapakita sa aton sang aton mga sala kag nagapahayag sa aton sang dalan padulong sa langit. Indi kita makakadto sa langit kon ang aton mga sala indi makuha. Si Cristo nagapakita sa aton sang aton mga kasal-anan kag handa sa pagkuha sang aton mga sala. Mahibalo-an mo nga ang imo sala ginkuha na.

Ang nagapakasala ulipon sang sala (v. 34). Kita makasala gid. Kinahanglan ta ang gahum agud indi makasala. Si Cristo nagsiling, “Ang Kamatuuran magahilway sa inyo” (v. 32) Ang Biblia nagahatag sa aton sing kamatuuran sang Dios kag nagahambal sang Anak sang Dios. Ikaw makasasala. Toohi ang kamatuuran kag batuna ang Anak. Mangin hilway ikaw!

ANG BULAG NGA TAWO

KAG ANG MAAYONG MANUGPAHALAB

Panulin sa Estudyante: (Instructions)

1. Basaha ang Juan, capitulo 9 kag 10.
2. Basaha ini nga leksyon.
3. Sabta ang mga pamangkot sa Eksam 6.

Nakita naton nga Cristo Jesus amo ang Pulong, ang Anak sang Dios, ang Ubiha sang Dios, kag ang Kapawa sang Kalibutan. Sa capitulo 9, Sia naghatag sang kapawa sa isa ka tawo nga natawo nga bulag.

ANG BULAG NGA TAWO NAKAKITA, capitulo 9

Ang bulag nga tawo gikan sa pagkatawo wala makakita sing bisan ano nga butang. Ang isa ka makasasala indi makakita sang himaya sang Dios. Indi niya masapuan ang dalan padulong sa Dios. Nagakinahanglan sia sing kapawa. Sang si Jesus nag-ayo sa bulag nga tawo, ang iya mga abyan wala magtoo. Nagsiling sila nga si Jesus makasasala tungod nagpang-ayo sia sa adlaw nga inugpahuway (v. 16 kag 24).. Ang tawo nakasiguro nga sia nakabaton sing kapawa kag nga si Jesus naggikan sa Dios (v. 33). Niyan ang tawo nga gin-ayo ginpagowa sa sinagoga.

Si Cristo nagkadto sa tawo sa pagbulig sa iya kag nagpahayag sa iya nga si Cristo amo ang Anak sang Dios (v. 35-37).. Ang mga Fariseo nagpadayon sa ila kadudulman , nga nagatoo nga Cristo isa lamang ka tawo.

ANG MAAYONG MANUGPAHALAB NAGAHATAG SANG IYA KABUHIPARA SA CARNERO, capitulo 10.

Si Jesus amo ang Maayong Manugpahalab kag nagapakaon sang Iya carnero. Madamu ang luyag mangawat kag magpalapta sang carnero (v. 10 kag 11). Ang Maayong Manugpahalab nagatatap kag naga-amlig sang Iya mga carnero.

Si Cristo handa sa paghatag sang Iya kabuhi para sa mga carnero (v. 11). Napatay Sia sa cruz para sa aton mga sala. Ang Amay nagahigugma sa Iya tungod nga ginhatag Niya ang Iya kabuhi para sa aton. (v. 17). Si Cristo may gahum sa paghatag sang Iya kabuhi kag gahum sa pagbawi sini. Ang Iya mga carnero amo ang mga nakabati sang Iya tingug kag nagasunod sa Iya (v. 27).

Ikaw man mangin isa sa iya mga carnero kon pamati-an mo ang Iya tingug sa Kasulatan kag magbaton. Kon magbaton ka, makaangkon mo ang kabuhi

nga dayon kag wala sing makakuha sa imo sa kamut sang Amay (v. 28-29). Si Cristo kag ang Iya Amay isa.

Ang mga Judeo wala magtoo sa Maayong Manugpahalab; apang madamu ang nagsunod kay Cristo (v. 42). Amo man sa karon. Madamu nga mga tawo ang nakabati kag nakabasa sang polong ni Cristo. Ang iban nagtoo kag naluwas. Ang iban wala nagtoo kag bangud sini nga kabangdanan sila nawala.

LAZARO KAG MARIA

Panulin sa Estudyante: (Instruction)

1. Basaha ang Juan, capitulo 11 kag 12.
2. Basaha ini nga leksyon.
3. Sabta ang mga pamangkot sa Eksam 7.

Ang Anak sang Dios amo ang Maayong Manugpahalab. Ginhatag niya ang Iya kabuhi para sa mga carnero. Nakabati sila sang Iya polong kag nagsunod sila sa Iya. Nagahatag Sia sang kabuhi nga walay katapusan sa tanan nga nagatoo sa Iya.

ANG ANAK SANG DIOS NAGBANHAW SANG ISA KA TAWO GIKAN SA KAMATAYON, capitulo 11.

Sa banwa sang Betania may mag-utud nga duha ka babayi, si Marta, si Maria. Ang ila utud nga lalaki nga si Lazaro nagmasakit kag napatay (v.4).. Si Marta kag Maria nakahibalo nga kon si Jesus yara didto ang ila utud nga lalaki wala kontani mapatay (v. 21 kag 32).. Si Jesus nagsiling kay Marta, “Ako ang pagkabanhaw kag ang kabuhi: sia nga nagatoo sa akon, bisan patay na sia, apang magakabuhi.”

Si Cristo nagkadto sa lulubngan ni Lazaro kag naghambal sing mabaskug nga tingug, “Lazaro, gowa ka”. Sa sini nga paagi si Lazaro nabuhi, nagbangon kag naggowa sa lulubngan sa ila atubangan. Madamu sa mga Judeo ang nagtoo sa Iya apang ang mga Fariseo wala nagtoo.

Ang tanan nga tawo makasasala. Sila patay sa sala kag wala sing kabuhi. Ang Anak sang Dios lamang ang makahatag sang kabuhi. Isa ka adlaw, ang tanan nga tawo magabangon gikan sa mga minatay sa pagtindug sa atubangan sang Dios. Niyan ulihi na ang tanan para maluwas. Karon amo ang ti-on sang kaluwasan.

MAY PILA KA MGA TAWO NGA NAGHIMAYA KAY GINOONG JESUS, CAPITULO 12

Natural para kay Maria kag Marta ang paghigugma kay Ginoong Jesus tungud ginbanhaw Niya ang ila utud nga lalaki. Nag-aman sila sing panihapon bilang pagpasidungug kay Cristo, kag si Maria nag ula sing malahalon nga pahumut sa Iya mga tiil. Si Judas, isa ka makawat, kag isa sa 12 ka gintoton-an, nagpakamalaut sang ginhimo ni Maria (v.5)..

Sa tapus sini, Si Cristo nagkadto sa Jerusalem. Madamu nga mga tawo ang nagbutang sing mga paklang sa mga dalan kag nagbaton kay Cristo kag nagpasidungug sa Iya (v. 28).

Ang iban nagtoo sa Iya apang nahadluk sa mga Fariseo kag wala magtu-
ad sa Iya (v. 42).. Ginpasulabi nila ang pagdayaw sang tawo labi sa pagdayaw
sa Dios (v.43).Ang Dios nagpadala sang Iya Anak sa kalibutan kag si Jesus
nagsiling, “Sia nga nagatoo sa akon, wala nagatoo sa akon, kondi sa Iya nga
nagpadala sa akon...” (v. 44). Magtoo man bala ikaw sa Iya subong?

SI CRISTO NAGTUDLO SA IYA MGA GINTOTON-AN

Panulin sa Estudyante: (Instruction)

1. Basaha ang Juan , capitulo 13 kag 14.
2. Basaha ini nga leksyon.
3. Sabta ang mga pamangkot sa Eksam 8

Ang Anak sang Dios nakahibalo sang tanan nga mga butang. Nakahibalo Sia sang tagiposoon sadtong tanan nga nagtoo sa Iya. Nakahibalo man Sia sang tagsaka butang nga matabu sa palaabuton. Si Cristo nakakilala sa Dios kag sarang Sia magpahayag sa tawo sang dalan padulong sa Dios.

SICRISTO NAGBALIK SA LANGIT, capitulo 13

Si Cristo naggikan sa Dios kag nagbalik sa Iya (v. 3). Apang handa Sia sa pagpaulipon kag paghugas sang tiil sang Iya mga gintoton-an.

Si Cristo naghatag sang Iya kabuhi kag dugo sa paghugas sa aton gikan sa aton mga sala. Sa bersikulo 10 , Sia nagsiling nga kon sin-o man ang nahugasan matinlo na sia sing bug-os. Kag sa bersikulo 15, si Cristo nagsiling nga dapat mag- alagadan ay kita sa isa kag isa kasubong nga Sia naghatag sa aton sang sulundan.

Ang Anak sang Dios nakahibalo kon sin-o ang magluib sa iya kag magtugyan sa Iya sa mga magapatay sa Iya. Ini amo so Judas, isa sang Iya mga gintoton-an. Si Juan nga isa man ka gintoton-an buut makahibalo kon sin-o ina. Kag nagsabat Sia nga sia ang isa nga pagahatagan sang bahin sang tinapay (v. 26). Si Pedro nagsiling nga ihatag niya ang Iya kabuhi para kay Cristo. Si Cristo nagsabat nga si Pedro magapanginwala sa iya (v. 38).

SICRISTO MAGABALIK LIWAT, capitulo 14.

Sang ang Ginoo nagsugid sa Iya mga gintoton-an nga Sia mapatay, nagkasubo sila. Niyan Sia nagsiling sa ila nga indi sila magkalisang kag nga Sia magabalik liwat (v. 3).

Sa bersikulo 6, ang Anak sang Dios nagsiling nga Sia lamang ang dalan nga palangit. Dugang pa Sia nagsiling nga wala sing makakadto sa Amay kon indi paagi sa Iya. Si Cristo amo lamang ang palaagyan pakadto sa Amay, kay Sia lamang ang Dalan, ang Kamatuuran, kag ang Kabuhi. Wala na sang iban nga dalan. Si Cristo nagpangamuyo sa Amay nga ipadala ang Balaan nga Espiritu sa pagpuno sa mga nagtoo sa Iya. Pagkatapus ginhatag Niya ang Iya paghidaet (v. 27).

Ang Dios nagakaakig bangud sang sala. Apang kon batonon mo si Cristo, ang Dios magpatawad sang imo mga sala. Kag niyan may himpit ka nga paghidaet sa imo nga tagiposoon kag kabuhi kag indi ang kahadluk. Kari kay kay Cristo karon!

ANG MATUUD NGA PUNO SANG UVAS

Panulin sa Estudyante: (Instruction)

1. Basaha ang Juan, capitulo 15 kag 16
2. Basaha ini nga leksyon.
3. Sabta ang mga pamangkot sa Eksam 9.

PAANO MANGIN MATINLO, capitulo 15

Si Jesus kaangay sang uvas ukon sang puno sang kahoy nga nagahatag kabuhi sa mga sanga. Apang agud mangin malapit kay Cristo, kinahanglan nga mangin matinlo. Ang sala nagalapta kag nagadagta sang aton tagiposoon, kag ang Dios nagakaakig sa sala. Paano kita karon mangin malapit kay Cristo?

Sa bersikulo 3, nabasa naton nga kita mangin matinlo paagi sa pulong. Si Cristo nagatudlo sing madamo nga mga butang nahanungud sa Dios sa sinulatan ni Juan. Dumduma nga Sia gintawag Pulong sang Dios sa capitulo 1. Ini nga mga leksyon kag ang sinulatan ni Juan makabulig sa imo sa paghibalo nga ang Pulong sang Dios nagatinlo sa Imo.

Sa bersikulo 13, nakita naton nga wala sang isa nga may labi pa ka daku nga gugma sang sa Iya nga naghatag sang Iya kabuhi para sa Iya mga abyan. Malaka ang tawo nga may kabubut-on sa paghatag sang ila kabuhi para sa isa ka abyan. Kag labi pa nga maiwat nga butang nga si Cristo naghatag sang Iya kabuhi para sa Iya mga kaaway. Ang gugma ni Cristo mas labi pa kadaku sang sa gugma sang bisan sin-o nga tawo.

Sa pihak sini tanan madamu sa mga tawo ang nagkaakig sa Dios kag batok sa Iya Anak. Sia nga batok sa Dios batok man kay Cristo. Si Cristo amo lamang ang bugtong nga Anak sang Dios kag amo lamang ang dalan nga padulong sa Dios nga Amay.

SICRISTO NAGPANUDLO SA MGA GINTOTON-AN, capitulo 16.

Ang hilikuton sang Balaan nga Espiritu amo ang paglipay kag pagbulig sa mga nagtoo kay Cristo (v. 7). Ang buluhaton sang Balaan nga Espiritu amo man ang pagpatalupangud sa kalibutan tuhoy sa sala (v. 8). Kon natalupangdan mo nga ikaw makasasala, toohi si Cristo karon.

Ang Amay naghatag sang tanan nga butang sa Anak (v. 15). Sa sining kabangdanan, nahibalo-an naton nga ang Dios nagahigugma sa Anak. Bilang resulta, ang pagbaton kay Cristo, pagbaton sa Dios, ang pagsikway kay Cristo, pagsikway sa Dios..

Liwat sa bersikulo 28, ang Ginoo maathag nga nagsiling nga Sia gikan sa Amay. Si Cristo amo ang bugtong nga Anak sang Dios., kag Sia lamang ang

Manluluwas sang kalibutan. ang mga gintoton-an nagtoo nga si Cristo nakahibalo sang tanangga butang kag nagikan sa Dios. (v. 30). Nagatoo ka bala sini?

SI CRISTO NAGPANGAMUYO SA IYA MGA GINTOTON-AN

Panulin sa Estudyante: (Instruction)

1. Basaha ang Juan, capitulo 17
2. Basaha ini nga leksyon.
3. Sabta ang mga pamankot sa Eksam 10

Sa sini nga capitulo makita naton ang mga pulong nga ginpangamuyo ni Cristo sa Dios nga Amay (bersikulo 11).

ANO ANG NAHIMO NI CRISTO PARA SA ATON, bersikulo 1 - 8.

Ang Dios naghatag sang gahum sa Iya Anak, agud nga si Cristo magahatag sang kabuhi nga walay katapusan (v. 2). Ang Dios wala naghatag sang gahum sa iban. Si Cristo lamang ang makahatag sa aton sing kabuhi. Ang kabuhi nga walay katapusan amo ang pagkilala sa matuud-tuud nga Dios kag Manluluwas nga amo si Cristo Jesus, ang pinadala sang Dios (v. 3). Makilala mo si Cristo paagi sa pulong kag makaangkon sing kabuhi nga walay katapusan.

Agud nga kita mahatagan sing kabuhi, ginkinahanglan ni Cristo nga ihatag ang Iya kaugalingon nga kabuhi. Ginpabakud sang Dios nga tungud sang sala ang tanan mapatay. Wala kita sing sarang mahimo sa pagluwas sang aton kaugalingon. Si Cristo ang nagtapus sang buluhaton kag gintapus Niya ang tanan ginkinahanglan agud mabug-os ang aton kaluwasan. (v. 4). Ang Dios naghigugma sa aton sing labi nga ginbutang Niya ini nga buluhaton sa Iya Anak.

Ang Dios nga Amay naghatag sang mga pulong kay Cristo nga isugid sa aton (v. 8). Si Cristo amo ang Polongg sang Dios kag nagkari sa kalibutan sa pagsugid sa aton sang gugma sang Dios. Ang mga gintoton-an nakabaton sang mga pulong nga ginpamolong ni Cristo. Nagtoo sila nga si Cristo naggikan sa Amay.

ANO ANG GINAHIMO NI CRISTO PARA SA ATON KARON, bersikulo 9 - 21

Si Cristo napatay para sa aton mga sala kag nabanhaw gikan sa mga minatay. Pagkatapus nagbalik Sia sa Amay sa langit. Nagapungko Sia karon sa tu-o nga kamut sang Amay sa kadayawan kag kahimayaan. Ano ang ginahimo ni Cristo karon? Pagkatapus sang aton mga pagpangabudlay kinaandan nga nagapahuway kita. Si Cristo Jesus nagapangamuyo karon sa ila mga nagtoo sa Iya (v. 9). Wala Sia ginalapyo ukon nagakinahanglan sang pagpahuway. Si

Cristo nagapangamuyo sa adlaw kag gab-i nga wala sing pag-untat para sa mga Iya. Wala kita nagakinahanglan sang isa nga magapangamuyo para sa aton. Wala kita nagakinahanglan sing lalaki ukon babayi nga magpatunga para sa aton. Indi na kinahanglan nga itu-ad naton ang aton mga sala sa tawo, kondi sa Dios. Dios lang ang makapatawad sang sala. Si Cristo Jesus ang manugpatunga sa Dios kag sa tawo.

ANO ANG PAGAHIMOON NI CRISTO SA ATON, bersikulo 22 - 26.

Si Cristo nagahigugma sa aton kag nanginmatay para sa aton. Sa wala sing pangduhaduha , luyag Niya nga kita mangin kaupud Niya kon diin man Sia. Sa bersikulo 24, si Cristo nagpangamuyo nga kita mangin kaupud Niya. Ang kalipay kay Cristo indi mangin himpit tubtub nga kita magkaupud. Si Cristo magabalik liwan agud sa pagkuha sa aton kaupud Niya didto sa prsensya sang Amay. Pinalangga nga abyan, kon wala pa nimo mabaton si Cristo bilang bugtong kag personal nga manluluwas, wala ka sing bahin sa Amay kag sang Anak. Ngaa indi nimo Sia pagbaton karon?

KAG KARON

ANO ANG MASUNOD?

Nagapangimbulahan kami sa imo pagtapos sa sini nga kurso nahanungod sa kabuhi ni Ginoong Jesu Cristo. Sa tion nga amon mabaton ang imo nga eksam, pagasayasaton namon kag ipadala sa imo ang madason nga kurso sa sini nga serye. Madamo pa nga kurso ang amon itanyag nga makabenepisyo sa imo sa espirutahanon mo nga pagkabuhi.

Ang ini nga kurso amo ang nahauna sa serye nga gintanyag pinaagi sa pagsulatay sang :

nagpamanagbanag, nakita nila ang Ginoo nga nagatindug sa higad sang dagat sa kilid sang dabuk. Nagmando Sia nga iladlad nila ang ila lambat sa natoo nga bahin sang sakayan. Nakakuha sila sing madamo nga isda. Liwat natalupangdang nila nga amo ini ang Ginoo. Si Jesus nag-aman sang isda kag tingub sila nga nagkaon.

Pagkatapus sini, ang Ginoo nagpamangkot kay Simon Pedro sing makatatlo ka beses, “Simon anak ni Jonas, ginahigugma mo bala ako labaw sini?” Kag ang Ginoo nagsiling kay Pedro, “Pakauna ang akon carnero” (bersikulo 15 - 17).

Si Juan nga gintoton-an nagsulat sini nga libro (v. 24).

Si Cristo man nagtudlo kag naghimo sing madamu pa sang sa nasulat sa sini nga libro (v. 25).

Kon nagatoo ka kay Jesu Cristo bilang Anak sang Dios, maluwas ka subong kag makaangkong sing kabuhi nga walay katapusan.

Leksyon 11

SI CRISTO SA DALAN PADULONG SA CRUZ

Panulin sa Estudyante: (Instruction)

1. Basaha ang Juan, capitulo 18 kag 19.
2. Basah sing maid-id ini nga leksyon.
3. Sabta ang mga pamangkot sa eksam 11.

Ini nga leksyon nagatudlo sa aton sang kamatayon ni Ginoong Jesu Cristo. Ayhan nagapamangkotanon ka sa imo kaugalingon kon paano nga ang isa ka kasubong sang Anak sang Dios kinahanglan nga mapatay. Nakita nato nga ang Anak sang Dios nangin unud. Sia nangin tawo agud mapatay para sa katawahan.

SICRISTO SA ATUBANGAN SANG MGA TAWO NGA MGA HUKOM, capitulo 18, bersikulo 1- 27.

Pagkatapus nga Sia nagpatunga para sa mga gintoton-an, si Cristo nagkadto sa hardin sa pagpangamuyo liwat. Si Judas nagpakigsapul sa pila ka mga pari agud sa pagtugyan kay Cristo sa ila kamut. Si Ginoong Jesus wala namalibad ukon naghandum sa pagpalagyo. Boluntad Sia nga nagsungka sa ila nga nagdakup sa ila.

Samtang si Cristo ginausisa, si Pedro nagpanghiwala sa Ginoo sing makatatlo ka beses (bersikulo 17, 25, 27).

SICRISTO SA ATUBANGAN NI PILATO, capitulo 18, bersikulo 18 tubtub sa capitulo 19 bersikulo 16.

Ang mga Judeo buut magpatay kay Cristo apang wala sila sing igalahum sa paghimo sini. Si Pilato amo ang hukom sang bug-os nga Israel kag may igalahum. Pagkatapus ni Pilato mausisa si Cristo, nagpati sia nga si Cristo wala sing sala kag buut maghilway sa Iya. Apang ang mga katawahan luyag nga mapatay si Cristo. Nagsinggit sila nga hilwayon si Barabas, nga isa ka makawat (bersikulo 40).

SICRISTO NAPATAY SA CRUZ, capitulo 19, bersikulo 17 - 42

Si Cristo gindala sa gowa sang banwa. Ang Iya mga kamut kag tiil nailangsang sa cruz. Samtang yara Sia sa kasakit kag pag-antus sa cruz nadumduman Niya ang Iya iloy kag naghatag kahimon-an para sa iya (bersikulo 26 -28). sa katapusan Sia nagsinggit, “Himpit na” (bersikulo 30). Kag gintugyan Niya ang espiritu. Ang isa ka soldado nagpalapit kag nagbono sa Iya kilid sing bankaw. Niyan si Jose sang Arimatea nagpakilala sang iya kaugalingon

kay Pilato kag naghingyo sang lawas ni Jesus. Si Nicodemo nagpalapit kag nagbulig kay Jose sa pag-aman sang lawas agud ilubong kag pagbutang sa bag-o nga lulubnganan malapit sa katamnan.

Nakita naton kon paano ni Judas ginbuligan yadtong mga nagkaakig kay Jesus. Kon paano sang mga Judeo gintuyo ang kamatayon ni Jesus kag kon paano ni Pilato gintugyan si Jesus sa mga Judeo agud ilansang. Kabilang ka bala sa mga nagahigugma kay Cristo ukon sa ila nga nagakaakig sa Iya?

Leksyon 12

SI CRISTO NABANHAW GIKAN SA MGA MINATAY

Panulin sa Estudyante: (Instructions)

1. Basaha ang Juan, capitulo 20 kag 21
2. Basaha sing maid-id ini nga leksyon.
3. Sabta ang mga pamangot sa Eksam 12.
4. Ipadala lamang ang eksam nga bahin para sa pagsayasad.

Ang Pulong sang Dios nangin unud kag nagpuyo kaupud sang mga katawhan. Ginpakita Niya sa nga kalibutan ang gugma sang Dios apang ginkaakigan sang kadam-an. Ginpadaia Sia sa atubangan sang hukom kag ang mga katawhan nagsinggit sang Iya kamatayan.. Si Cristo napatay apang ang Dios nagbanhaw sa Iya gikan sa mga minatay.

NAKITA NI MARIA MAGDALENA ANG GINOO, capitulo 20, bersikulo 1 - 18.

Kaagahon sang adlaw nga Domingo, si Maria Magdalena nagkadto sa lugar nga kon sa diin ang lawas sang Ginoo nahamtang. Nakita niya nga ang bato nahalin gikan sa ganhaan. Nagdalagan Sia sa pagsugid kay Pedro kag kay Juan nga ang lawas wala na sa iya nahamtangan.

Ang mga gintoton-an nagpauli sa ila puluy-an kag si Maria Magdalena nagpabilin sa gowa sang lulubngan nga nagahibi. Si Jesus naghambal sa Iya, apang wala niya matalupangdan nga Sia yadto. (v. 16).

ANG MGA GINTOTON-AN NAKAKITA SA GINOO, capitulo 20, bersikulo 19- 31.

Ang mga gintoton-an nagtipon sa ibabaw nga hulut nga natakpan ang ganhaan bangud nahadluk sila sa mga Judeo. Si Ginoong Jesus nagpahayag sa ila tunga , nagpamatuud sa ila nga Sia buhi. Gintamyaw Niya sila sa mga pulong, “Ang paghidaet mangin sa inyo”. Tuman ang ila kalipay. Si Tomas wala sa ila sa sini nga ti-on kag wala magtoo nga ang Ginoo nabanhaw. Walo ka adlaw ang nakaligad, liwat nga nagpakita ang Ginoo sa mga gintoton-an. Sa sini nga ti-on si Tomas kaupud nila. Ang Ginoo na nagppresentar sang Iya kaugalingon kay Tomas nga dimatinoohon, kag nagsinggit sia, “Ginoo ko kag Dios Ko”.

ANG MGA GINTOTON-AN NAGLAKAT SA PAGPANGISDA, capitulo 21.

Sang ulihi ang mga gintoton-an naglakat sa pagpangisda kag nangisda sila sa bilog nga gab-i. Apang, wala sila sing may nakuha. Sang